

Leipzig/Augsburg/oder Franckfurt am Rhayn/oder Le-
on/Andorff/ Bencdig vnnnd Preßlau. Dahin sol mans
auß allen Landen zu wissen thun/ welche darnach ihren
empfangenen Bericht/ den beyden obersten Keyß Her-
ren/die zu Augsburg oder Nürnberg seyn/ solten ferner
zuschicken/die solches darnach an die Keyß. oder Röm-
sche König. May. 22. sollen gelangen lassen/ die es wei-
ter/ sampt den verordneten Kriegserfahrenen zu vber-
schlagen/vnd ins Werck zu stellen wissen werden.

So möchte auch ein jeder obbemeldter Potentat/
so dem Römischen Reich nicht vnterworffen/seine Reu-
ter vnd Knechte/so weit sich seine enngesammlete Steu-
wer erstrecket/ durch ihre zweene geschworne Pfennig-
Meister/selber bezahlen lassen/vnd an die statt der abge-
standenen/ in ein par Monat/ darnach ein jeder weit
gesehen/andere frische Leute/ von heim auß/ nachschic-
cken lassen.

Welcher Herr/Ritter oder Knecht/Oberster/Haupt-
mann/Pfennig Meister/Muster Herr/ niemand auß-
geschlossen/sie tragen Empter oder nicht/in diesem theu-
ren hochnotwendigen Christlichen Wercke/da der gan-
zen Christenheit/ beyde/ Seele/ Leib/ Ehr vnnnd Gut/
Weib vnd Kinder/auch ihr selber Bedenken/ vnnnd auch
Verderben/ auch höchste Wolsahrt angelegen ist/ mit
Eynnehmung der Steuer/oder Ausgaben zu seyn/ O-
der eines andern eygenen Nutz/ es sey mit blinden Nah-
men/oder andern falschen Practicken/ wie das Nahmen
haben mag/mißbraucht/derselbige vnd sein Mithelffer/
sollen vor trewlose/meyneydige/Erß Gotts Diebe/ Zer-
störer.